

# INUIT ATAQATIGIIT

## INATSISARTUNI



17. august 2012  
08. marts 2012

UKA 2012/57  
UPA 2012/57

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiupparput:

**Sulisunik avataaneersunik atorfinitsitsiniarnernut qinnuteqaatit kommunenit suliarineqartillugit, qinnuteqaatit kommuneni suliffissaqartitsiniarnernut ataatsimiititaliani tusarniaassutigineqartalernissaat qulakkeerniarlugu UKA 2012-imi Naalakkersuisut maleruagassioqqullugit Inatsisartut aalajangiiffigisassaattut siunnersuut. Ataatsimiititaliat qanoq katitigaassanersut aammalu sulinerat pillugu Naalakkersuisut aamma maleruagassalioqquneqarput.**

(Inuit Ataqatigiit Inatsisartuni ilaasortaataitaat)

### **Tunngavilersuut:**

Siunnersuut matumani pineqartoq Inuit Ataqatigiit Inatsisartuni ilaasortaataitaasa aalajangiiffigisassatut siunnersuutaannut ataatsimiinnermilu saqqummiunneqartussamut allamut attuumassuteqarpoq, taaguuteqartumut: *“Sulisunik avataaneersunik atorfinitsitsinissamut imaluunniit sulisitsinissamut atatillugu ullut 14-it qaangiutinnginneranni itigartitsissummik akuersissummilluunniit akissuteqarnissamut piffissarititap qaammatinngortillugu sivitsorneqarnissaa anguniarlugu, Kalaallit Nunaannut suliffissarsiorlut killilersimaarnissaat pillugu Inatsisartut inatsisaata nr. 27 30. oktober 1992-imeersup allanngortinneqarnissaa siunertaralugu Inatsisartut aalajangiiffigisassaattut siunnersuut.” (UPA 2012-56)*

Aalajangiiffigisassatut siunnersuutip matuma siunertarisaa tassaavoq, sulisunik avataaneersunik atorfinitsitsiniartoqartillugu kommuneni tamani suliffissaqartitsinermut ataatsimiititalianik tusarniaavigineqartartussanik pilersitsinissaq. Kommuunip suliffissaqartitsinermut ataatsimiititaliani sinniisuutitaqarnerisa saniatigut siunnersuutigineqartukkut sulisoqarnikkut soqutigisaqatigiiffiit, soorlu GA-p kiisalu SIK-p immikkoortortaarfii ataatsimiititaliani sinniisuutitaqalissasut aamma anguniarneqarpoq. Tamanna sumiiffikkaartumik sulisoqarnikkut soqutigisaqatigiiffiit qanimut peqataalersinneqarusunnerannik aammalu inatsit siunertamisut atortinneqarnerisat pillugu nakkutiginninnerup sukatertariaqarneranik tunngaveqarpoq.

Inatsisartuni ilaasortaq Juliane Henningsen-ip § 37 najoqqutaralugu apeqquteqarneranut Naalakkersuisut 9. januar 2012 imatut ilisimatitsippot: *“Kommunit suliffissarsiuussiviini suliarineqartussat naammaginartumik naammassineqartarnersut naalakkersuisoqarfimmit nakkutigineqartuunngilaq.”* Siunnersuutip matuma saqqummiunneqarneranut tamanna taamaamat ilaatigut tunngavigineqarpoq.

1980'-kkut ingerlaneranni kommuneni tamani suliffissaqartitsiniarnernut ataatsimiititaliaqareersimavoq. Tamanna tunngavigalugu taamaamat naatsorsuutigisariaqarpoq ataatsimiititaliat qanoq katitigaassanersut aammalu sulinerat pillugu Naalakkersuisut, KANUKOKA kiisalu sulisoqarnikkut kattuffiit suleqatigalugit naleqquttunik

maleruagassiorsinnaassasut.

**Aningaasarsiornikkut allaffissornikkullu pisortanut kingunissai.**

Kommunip sinniisaannik ilatigullu SIK-p aammalu GA-p immikkoortortaqrarfiinik ilaasortaaffigineqartumik kommuneni suliffissaqartitsiniarnermut ataatsimiititalianik pilersitsineq, kom-muneni suliffissarsiuussisarfiit oqalisaassiffigineqarnerannik kinguneqarsinnaassaaq. Taamatuttaaq ataatsimiititaliat pilersinneqarneri ilutigalugit inatsit siunertamisut atortinne-qarnerisoo pillugu nakkutiginninneq annertusissaaq.

Suliffissaqartitsiniarnermut ataatsimiititaliat ataatsimiinnerini SIK-p aammalu GA-p ilaasortaataat ataatsimiinnerisuteqartinneqassanersut apeqquataalluni kommunit annikit-suinnarmik aningaasaleeqqittariaqassasut naatsorsuutigisariaqarpoq. Taamaattorli aningaa-saleqqittariaqarneq Akileraartarnermut Atugarissaarnermullu Isumalioqatigiissitap inerni-liusnaanut matumunnga nallersuunneqartariaqarpoq; inuup ukiumi ataatsimi pisortanit ikorsiissutisiani sulilernermigut taarserunigit pisortat aningaasaataat 220.000 kr-init ikinnerunngitsunik pitsanngoriassagaluarput.

**Aningaasarsiornikkut allaffissornikkullu namminersorlutik inuutissarsiortunut kingunissai.**

Siunnersuut aningaasarsiornikkut allaffissornikkullu namminersorlutik inuutissarsiortunut ajorseriaataasussamik kinguneqassangatinneqanngilaq. Paarlattuanik natsorsuutigisariaqarpoq siunnersuut sulisitsisunut ileqqaarutaassasoq avataaniit suliarortitanut sulisitsisup aningaasartuutigisartagai sipaarneqarsinnaanngussammata.

**Aningaasarsiornikkut allaffissornikkullu innuttaasunut kingunissai.**

Siunnersuut piviusunngortinneqarpat suliffissaaleqisut amerlanerusut imminnut pilersorsinnaalerlutillu inuiaqatigiit aningaasarsiornikkut ineriartornerannut ikorfartueqataalersinneqasapput inuttut namminneq aamma ineriartuutigisaminnik.